



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 14. Cardinalium creatio.

[urn:nbn:de:hbz:466:1-66272](#)

Sæcul. XV. paulo post a quibusdam Mercatoribus Ve-
A.C. 1426. netis oblato pretio fuisse redemptas.

§. XIV.

Cardinalium electio.

Ciacon. de Rom. Pontif. Hist. Eccles. Burgdeg. **H**oc anno Pontifex quatuordecim crea-
vit Cardinales, quos inter Hugo Lu-
signanus Regis Cypri Filius, cuius supra
meminimus, antea electus Nicosiensis
Archiepiscopus, numerabatur.

Invenimus in Chronico cujusdam Au-
toris, quem Spondanus ad hunc annum
Numero V. allegat, Ægyptii Sultani epi-
stolam ad Pontificem hunc in modum
scriptam: *Non mireris, si te verbis saluta-
tionis non exquirimus, cum te habeamus
capitalem hostem, & hostis hosti non debet o-
rare salutem.* Datum Baruch in mense Cas-
teu. Aliam, quæ adhuc magis barba-
ram sapiebat ferociam ab eodem ad Prin-
cipes Christianos exaratam Monstreletus
refert, qua omnino Sultanus eos ad se
accedere, fidemque deserere jubet. Ve-
rum literas hasce confictas, & non nisi
immaturi cujusdam ingenii partum ex
joco duntaxat prolatum merito conjici-
mus. Certius illud est, quod Sultanus
iste paulo ante Christianis prohibitam fa-
cri sepulchri visitationem ob lucrum sibi
inde proveniens mox revocaverit; quo
facto Ludovicus Comes Palatinus Rheni,

&

& Dux Bavariæ hoc ipso anno peregrinatio nationem ad terram sanctam suscepit, in de vero cæcus & claudus rediit ob graves infirmitates, ac labores in itinere exantlatos.

§. XV.

Cardinalis tit. S. Crucis Legatus ad pacem stabiliendam missus.

Nicolaus Albergatus Carthusianus, Bononiæ patriæ suæ Episcopus nuper, *Ciacon, ibid.* licet invitus Cardinalis tit. S. Crucis in Jerusalem creabatur, nunc vero tanquam Legatus decernebatur, ut concordiam inter Philippum Mediolani Ducem, & Venetos, Florentinos, aliosque Italiæ Principes conciliaret. Negotium hoc sibi demandatum eo deducebat, ut pax conclusa fuerit, sub conditionibus Philippo quidem onerosis, quibus tamen ille ex Legati consilio consensit, veritus, ne totius forte Principatus sui possessione dejiceretur; denique ea quoque Pontifici sententia infedit, satius esse quacunque demum conditione præsentibus malis consulere, certamque tranquillitatem incertæ victoriæ præponere. Quibus ille persuasus paci ac pactionibus Mense Decembri hujus anni firmatis die prima Januarii Anno subsequenti subscripsit; has tamen conditiones Philippus, utpote ani- *Hist. Ecclesiast. Tom. XXVI.* Mm mi